

Na osnovu člana 5. i 8. Zakona o ministarstvima i drugim organima uprave Tuzlanskog kantona («Službene novine TK», broj:17/00) i Odluke o utvrđivanju kriterija, uslova i postupka za raspodjelu sredstava sa potrošačke jedinice 24050008 - Kulturne manifestacije za 2004. godinu broj:02/1-02-2434-/04 od 02.03.2004. godine Vlade Kantona, Ministarstvo obrazovanja, nauke, kulture i sporta Tuzlanskog kantona raspisuje

JAVNI POZIV
za predlaganje programa kulturnih manifestacija

I

Raspisuje se javni poziv za predlaganje kulturnih manifestacija za sufinansiranje u skladu sa Odlukom o utvrđivanju kriterija, uslova i postupka za raspodjelu sredstava sa potrošačke jedinice 24050008 - Kulturne manifestacije za 2004. godinu broj:02/1-02-2434-/04 od 02.03.2004. godine Vlade Kantona.

II

Sufinansiranje programa kulturnih manifestacija vršit će se u skladu sa kriterijima koji podrazumijevaju oblasti kulturnih djelatnosti koje su obuhvaćene Programom kulturne manifestacije a njih čine:

1. Kulturne manifestacije koje afirmišu kulturu Tuzlanskog kantona,
 2. Kulturne manifestacije sa međunarodnim učešćem, koje uključuju programe međunarodne saradnje,
 3. Manifestacije pozorišne, književne, muzičko-scenske, muzičke, plesne djelatnosti, muzejske, galerijske i arhivske, bibliotečke djelatnosti, tribine, simpozijumi, programi koji doprinose očuvanju kulturnog i prirodnog naslijeđa, te godišnjice ustanova kulture,
 4. Programi koji se na drugi način ne sufinansiraju iz Budžeta Tuzlanskog kantona.
- Jedan predlagač može predložiti najviše dva Programa za kulturne manifestacije.

III

Finansijski se neće podržati

1. Programi kojima je potrebna znatna finansijska pomoć – finansiranje,
2. Programi usmjereni isključivo za ostvarivanje vjerskih ciljeva,
3. Programi usmjereni na promociju političkih stranaka,
4. Programi kojima se podrazumijeva finansiranje plaća i osnovne djelatnosti,
5. Programi koji su na drugi način ostvarili sufinansiranje ili finansiranje iz Budžeta Kantona,
6. Programi čija je jedina svrha korist zaposlenih u pravnom licu,
7. Programi kojima se podrazumijeva finansiranje adaptacije, rekonstrukcije, investiciono ulaganje u obnovu objekata, kupovina opreme i slično.
8. Programi predlagača koji nisu dostavili izvještaj sa kompletnom dokumentacijom kojom se dokazuje da su sredstva dobivena u prethodnoj godini od Vlade Kantona ili Ministarstva obrazovanja, nauke, kulture i sporta namjenski utrošeni

IV

Prednost za sufinansiranje kulturnih manifestacija imaju:

1. Programi kulturnih manifestacija za koje su odobrena sredstva u 2003. godini a nisu realizovana,
2. Programi kulturnih manifestacija ustanova kulture, kojima je osnivač Skupština Tuzlanskog kantona,
3. Programi kulturnih manifestacija ustanova kulture, kojima je osnivač jedna od općina Tuzlanskog kantona, čija realizacija program podrazumijeva sredstva i iz drugih izvora finansiranja,
4. Programi kulturnih manifestacija, za čiju realizaciju se većina sredstava obezbjeđuje iz drugih izvora finansiranja o čemu predlagač dostavlja odgovarajući dokaz.

V

Predlagač Programa kulturne manifestacije koji ispunjava kriterije iz tačke I obavezan je dostaviti:

1. Rješenje o upisu u registar pravnih lica (ovjerena kopija),
2. Identifikacijski znakovi, identifikacioni broj iz registra poslovnih subjekata, spesimen potpisa (ovjerena kopija),
3. Finansijski plan predloženog programa sa potpunom specifikacijom troškova, visina sredstava koja se traži od Ministarstva obrazovanja, nauke, kulture i sporta i izjava o drugim utvrđenim izvorima finansiranja,
4. Izvještaj sa računima, ugovorima i drugim dokazima, o utrošku sredstava za kulturnu manifestaciju koja je predlagač dobio od Vlade Kantona ili Ministarstva obrazovanja, nauke, kulture i sporta u 2003. godini,

VI

Pored kriterija i uslova iz tačke I, II, III i IV ovog poziva, aplikanti su obavezni ispuniti PRIJAVNI OBRAZAC za sufinansiranje dijela troškova kulturnih manifestacija.

Prijavni obrazac aplikanti mogu preuzeti u prostorijama Ministarstva obrazovanja, nauke, kulture i sporta, u Tuzli Ul. Slatina br.2.

VII

Javni poziv ostaje otvoren 15 dana od dana objavljivanja. Prijave na poziv sa potrebnom dokumentacijom slati na adresu: Ministarstvo obrazovanja, nauke, kulture i sporta Tuzlanskog kantona, Ul. Slatina 2, Tuzla. Nepotpune i neblagovremene prijave neće se izeti u razmatranje.

**MINISTARSTVO OBRAZOVANJA,
NAUKE, KULTURE I SPORTA**